



তথ্যবিবরণী

নম্বর: ০৮৮

রাজশাহীতে ব্যবসা-বাণিজ্যে সুষ্ঠু প্রতিযোগিতার সংস্কৃতি গড়ে তোলার আহ্বান

রাজশাহী; ১৫ কার্তিক (৩১ অক্টোবর):

আজ বৃহস্পতিবার (৩১ অক্টোবর) দুপুরে রাজশাহী জেলা প্রশাসকের সম্মেলন কক্ষে জেলা প্রশাসনের আয়োজনে ব্যবসায়ী সমিতি ও জেলা পর্যায়ে কর্মকর্তাদের সাথে এক মতবিনিময় সভা অনুষ্ঠিত হয়। সভায় প্রধান অতিথি হিসেবে উপস্থিত ছিলেন বাংলাদেশ প্রতিযোগিতা কমিশনের চেয়ারপার্সন সালমা আখতার জাহান।

প্রধান অতিথির বক্তৃতায় প্রতিযোগিতা আইন-২০১২ এবং প্রতিযোগিতা কমিশনের গৃহীত বিভিন্ন কার্যক্রম তুলে ধরে সালমা আখতার জাহান বলেন, বাংলাদেশের অব্যাহত উন্নয়ন অগ্রযাত্রায় বর্তমান সরকারের ব্যবসা-বাণিজ্যবান্ধব যুগোপযোগী নীতি ও কৌশল অনন্য ভূমিকা পালন করছে। প্রতিযোগিতা আইন-২০১২ গ্রহণের পর থেকে ব্যবসা-বাণিজ্যে এক নতুন যুগের সূচনা হয়েছে। সেই লক্ষ্যে ব্যবসা-বাণিজ্যে সুষ্ঠু প্রতিযোগিতার সংস্কৃতি গড়ে তোলার আহ্বান জানান তিনি।

সভায় প্রতিযোগিতা আইন-২০১২ সম্পর্কে বিস্তারিত আলোচনা করা হয়। উপস্থাপিত মূল প্রবন্ধে এই আইনের বিভিন্ন ধারা, কমিশনের দায়িত্ব, ক্ষমতা এবং কার্যক্রম সম্পর্কে সংশ্লিষ্ট অংশীজনদের অবহিত করা হয়েছে।

রাজশাহীর ভারপ্রাপ্ত জেলা প্রশাসক সরকার অসীম কুমারের সভাপতিত্বে অতিরিক্ত জেলা প্রশাসক (রাজস্ব) মোহা. যোবায়ের হোসেন, উপপরিচালক স্থানীয় সরকার (ভারপ্রাপ্ত) টুকটুক তালুকদার, অতিরিক্ত জেলা প্রশাসক (উন্নয়ন ও মানবসম্পদ ব্যবস্থাপনা) মো. মহিনুল হাসান মতবিনিময় সভায় উপস্থিত ছিলেন। এছাড়াও জেলা প্রশাসন কার্যালয়ের নেজারত ডেপুটি কালেক্টর আশিক জামানসহ জেলার বিভিন্ন দফতরের উর্দ্ধতন কর্মকর্তাবৃন্দ উপস্থিত ছিলেন।

মুক্ত আলোচনায় অংশগ্রহণ করেন, রাজশাহী বেনেতি ব্যবসায়ী সমিতির সাধারণ সম্পাদক সেকেন্দার আলী, রাজশাহী বিভাগীয় কনজিউমার এ্যাসোসিয়েশনের সাধারণ সম্পাদক গোলাম মোস্তফা মামুন।

.....

তৌহিদ/আতিক/আরিফ/আলীম/রুহুল/হালিম/২০২৪/১৭.০০ঘ.